



**CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E UNIVERSIDADE DA XUNTA DE GALICIA E O CONCELLO DE VILAMARTÍN DE VALDEORRAS PARA A REALIZACIÓN DE ACTIVIDADES INCLUÍDAS NO PROXECTO “AS LETRAS DE FLORENCIO” CO GALLO DA CELEBRACIÓN DAS LETRAS GALEGAS 2022.**

Don Román Rodríguez González, en virtude do seu cargo de conselleiro de Cultura, Educación e Universidade para o que foi nomeado polo Decreto 112/2020, do 6 de setembro de 2020, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991

Don Enrique Álvarez Barreiro, en nome e representación do Concello de Vilamartín de Valdeorras, en virtude da súa condición de Alcalde da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, 61.1 da Lei 5/1997, de administración local de Galicia e o artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

As dúas partes interveñen en función dos seus respectivos cargos e no exercicio das súas facultades que para convir no nome das Entidades que representan teñen conferidas e,

**EXPOÑEN**

A Consellería de Cultura, Educación e Universidade é o órgano da Administración da Comunidade Autónoma ao que lle corresponden as competencias en materia de creación e difusión cultural. Dentro dese ámbito de actuacións vén desenvolvendo unha serie de actuacións encamiñadas á divulgación e promoción da cultura para achegar o máis posible o noso patrimonio cultural á sociedade en xeral.

O 2 de xullo de 2021 o Pleno da Real Academia Galega tomou o acordo de renderlle tributo e dedicarlle o Día das Letras Galegas 2022 a Florencio Delgado Gurriarán, escritor, editor literario e activista político e cultural do exilio galego en México.

Na programación deseñada arredor do homenaxeado colaboran empresas, entidades, administracións locais e editoriais, cun amplo abano de propostas ao longo de todo o ano, tanto no ámbito literario, expositivo, deportivo, musical, escénico, académico e escolar.

Dentro desta programación conxunta de máis de 150 iniciativas en Galicia e no exterior, terá unha presenza destacada a Comarca de Valdeorras; así porase en marcha unha iniciativa en colaboración cos concellos que a integran que consistirá no desenvolvemento de rutas educativas para dar a coñecer os principais puntos de interese artístico, histórico, social e cultural do lugar.

Polo exposto, ambas as entidades acordan asinar un convenio de colaboración para o ano 2022, que se rexerá polas seguintes,

## CLÁUSULAS

### **PRIMEIRA.- Obxecto e actuacións.**

É obxecto deste convenio establecer as condicións polas que se rexerá a colaboración entre a Consellería de Cultura, Educación e Universidade e o Concello de Vilamartín de Valdeorras, para a realización de actividades previstas na programación das Letras Galegas 2022, adicadas a Florencio Delgado Gurriarán. As actividades do proxecto “As Letras de Florencio” inclúen proxectos expositivos, iniciativas de participación social, publicacións, programación no ámbito educativo, académico, musical e programación no exterior.

Unha das iniciativas de participación social é a actividade “**Noites de Córghomo**”, que recolle o traballo iniciado pola Asociación de Veciños de Córghomo a comezos dos 2000 co que conseguían levar á súa aldea os mellores representantes do teatro galego.

A previsión é celebrar estas noites teatrais na noite dos mércores de xullo e agosto, malia que o deseño poderá mudar en función das necesidades de axenda, na aldea natal de Florencio. A parte de teatro haberá tamén poesía, contadas, música, cinema e todo tipo produtos escénicos

Outra das iniciativas no ámbito educativo é a actividade de “**Rutas educativas da Comarca de Valdeorras**”. Estas rutas desenvolveranse no mes de maio, entre os días 11 e 20 e permitirán dar a coñecer puntos de interese artístico, histórico, natural, social e cultural da comarca. A proposta está deseñada en torno a un álbum de cromos que os cativos e cativas irán enchendo en función do percorrido que fagan.

Dada a especificidade e exclusividade das actuacións a realizar non é posible promover a concorrência, polas especiais características das actividades e da entidade coa que se subscribe o convenio.

De acordo coa planificación estratéxica realizada pola Secretaría Xeral de Cultura, para o ano 2022, e dada a a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

#### **SEGUNDA.- Financiamento.**

O custo total estimado das actuacións previstas no convenio ascende a un total de 25.000 €.

A Consellería de Cultura, Educación e Universidade contribuirá no desenvolvemento das actuacións previstas neste convenio coa achega total de 20.000 €, para o que existe crédito axeitado e suficiente na partida orzamentaria 10.40.432B.640.0, proxecto 2015 00370.

O Concello de Vilamartín de Valdeorras achegará con cargo aos seus fondos a cantidade restante.

No caso de que a xustificación dos gastos sexa inferior ao importe de 25.000 €, a achega da Consellería de Cultura, Educación e Universidade diminuírase proporcionalmente.

Ditas achegas financiarán exclusivamente o custo de realización das actuacións obxecto deste convenio, sen que ningunha das partes asinantes do convenio obteña lucro ningún.

#### **TERCEIRA.- Obrigas do Concello de Vilamartín de Valdeorras.**

O Concello de Vilamartín de Valdeorras será o encargado de garantir o bo desenvolvemento das actividades, establecendo as condicións de participación e facilitando a asistencia. De forma específica as *Rutas educativas* ofreceranse á comunidade educativa valdeorresa, isto é 9 centros de primaria repartidos entre os concellos de Carballeda, Rubiá, O Barco, Vilamartín, A Rúa, O Bolo e A Veiga, así como 6 centros de secundaria dos concellos de Carballeda, O Barco e A Rúa.

No que respecta ás *Noites de Córghomo*, esta acción cultural non só se abre aos veciños e veciñas da aldea do poeta, senón que se abrirá a toda a comarca tentando de poñer medios de transporte público que faciliten a presenza do público de toda a comarca.

O Concello de Vilamartín de Valdeorras deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Educación e Universidade para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

#### **CUARTA.- A Xunta de Galicia.**

A Xunta de Galicia colaborará nos custos derivados da realización das actividades mencionadas. O importe máximo a asumir pola Consellería de Cultura, Educación e Universidade ascende a 20.000 €.

#### **QUINTA.- Xustificación dos gastos e pagamento.**

A documentación requirida na fase xustificativa presentarase a través do Rexistro Electrónico.

Para percibir a correspondente achega o Concello de Vilamartín de Valdeorras presentará electronicamente, coa data límite do 15 de outubro de 2022, a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actividades realizadas e dos resultados obtidos.
  
- Unha memoria económica xustificativa do custo das actividades realizadas que conterá:
  
- Unha relación clasificada dos gastos e investimentos da actividade, con identificación do acredor, do importe, data de emisión e data de pagamento.

As facturas ou documentos de valor probatorio equivalente incorporados na relación a que se fai referencia no



parágrafo anterior e a documentación acreditativa do pagamento.

Aos efectos desta xustificación, consideraranse os gastos realizados no ano 2022 a partir da data de sinatura do presente convenio e que respondan á natureza da actividade realizada.

O Concello de Vilamartín de Valdeorras responsabilizarase da veracidade dos documentos que presenten.

#### **QUINTA.- Rexistro de convenios. Transparencia e bo goberno**

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes. Así mesmo, o Concello de Vilamartín de Valdeorras acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

#### **SEXTA. Dereitos sobre a información e titularidade dos resultados. Difusión da colaboración das partes.**

Os resultados froito deste convenio, tales como dípticos, catálogos, publicacións e demais material obtido, serán de titularidade e uso común da Consellería de Cultura, Educación e Universidade e do Concello de Vilamartín de Valdeorras.

A Consellería resérvase o dereito de publicar os resultados, parciais ou finais, obtidos durante a execución do convenio que, en todo caso, terán carácter público.

Nas actuacións informativas e divulgativas e nas publicacións que se fagan relacionadas coas actividades deste convenio farase constar, nun lugar destacado, a colaboración das partes e utilizaranse, cando proceda, os anagramas de cada unha das entidades aprobados pola normativa de identidade corporativa. Sexa cal for o medio de difusión, cada unha das partes comprométese a facer mención das outras partes e deste convenio.

#### **SEXTA.- Vixencia.**

O presente convenio estenderá a súa vixencia dende a súa sinatura e ata o 31 de decembro de 2022.

#### **SÉTIMA.- Comisión de seguimento.**

Créase unha comisión mixta de seguimento para aclarar as dúbidas derivadas da interpretación e execución deste convenio, formada polo secretario xeral de Cultura da Consellería de Cultura, Educación e Universidade ou a persoa en quen delegue, e polo alcalde do Concello de Vilamartín de Valdeorras ou a persoa que designe en substitución.

#### **OITAVA.- Modificación denuncia e rescisión do convenio.**

As partes poderán denunciar ou modificar o presente convenio en calquera momento por mutuo acordo.

O incumprimento de calquera das obrigas contraídas no presente convenio por unha das partes facultará á outra para rescindilo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.

#### **NOVENA.- Responsabilidade das actuacións.**

A sinatura deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

#### **DÉCIMA.- Protección de datos de carácter persoal e garantía dos dereitos dixitais.**

As partes asinantes comprométense a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

#### **DÉCIMO PRIMEIRA.- Administración dixital.**



As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

#### **DÉCIMO SEGUNDA.- Normativa aplicable e xurisdición.**

Aínda que é un dos excluídos do ámbito de aplicación da Lei 9/2017, do 8 de novembro, de contratos do sector público (BOE 9-11-2017) segundo especifica o seu artigo 6, ao non previsto e de acordo co artigo 4 da citada lei aplicaráselle os principios recollidos nela, co fin de resolver as dúbidas e omisións que puidesen presentarse. Así mesmo, subsidiariamente terase en conta o Decreto legislativo 1/1999, do 7 de outubro, pola que se aproba o texto refundido da Lei de réxime financeiro e orzamentario de Galicia e demais normativa vixente na materia.

Este convenio ten natureza administrativa. A xurisdición contencioso administrativa será competente para dirimir as cuestións que puidesen xurdir da aplicación deste convenio.

Será de aplicación a Lei 40/2015, do 1 de outubro, de réxime xurídico do sector público.

#### **DÉCIMO TERCEIRA.- Notificación electrónica.**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Ao estaren as dúas partes conformes co pactado, asinan dixitalmente este convenio.

O conselleiro de Cultura, Educación e Universidade

O alcalde do Concello de Vilamartín de  
Valdeorras

Román Rodríguez González

Enrique Álvarez Barreiro

